



Libanga 3

Incwadzi leNkhulu yetindzaba tabotwana



basic education

Department:
Basic Education
REPUBLIC OF SOUTH AFRICA

SISWATI

Incwadzi

2



Indlela yekusebentisa leNcwadzi leNkhulu:

Tindzaba kulencwadzi:



Simanga semphelesontfo

1

Kulungela umkhakha wekufundza iNcwadzi leNkhulu

- Cinisekisa kutsi bonkhe bantfwana yakhona kubona incwadzi. Uma likilasi lakho lilikhulu, kuncono usebente ngelicembu lelincane.
- Kungasita kakhulu kutsi wente incwadzi ime mpo khona kungeke kudzingeke kutsi uyibambe usafundza. (Bona imiyalo yekimisa incwadzi kukhava yangemuva.)
- Sebentisa irula noma lutsi lweukuhomba kulandzelela noma kukhomba emagama usafundza.
- Uma ufuna kugcizelela emagama latsite ngalinye, unganameka emanotsi ekunanyatsiselwa dvute nalelo gama kuligcamisa kulamanye noma-e wente ‘lifasitelo lemplingo.’ Sebentisa liphepha lelingucalandze lelinesikhala lesincane saclanzde lesisikwe emkhatsini walo. Beka localandze etu kwembhalo kute kutsi esikhaleleni kuvele ligama linye.

Umkhakha wekucala wekufundza ngekwabelana

Sifundvo sekucala sibhekana nekutijabulisa ne ‘kubona’ umbhalo kwekucala, nebantfwana baniketa imivo yabo ngembhalo.

- Phenya emakhasi endzaba labatayifundza. Cocani ngemidvwebo.
- Cela bafundzi bacomelele indzaba basusela esihlokweni nasetitfombeni.
- Yetfula emagama lamasha noma lalukhuni embi kwekube bafundzi bacale kufundza indzaba.
- Yakha emakhadi emagama kwetfula emagama lamasha.
- Fundza indzaba, usebentisa simo-buso ubuye ugucugucule liphimbo, sevinini nekuphakama kwelivi. Sebentisa iminyakato netimo-buso.
- Landzelela umbhalo usafundza ngeukuhomba emagama ngendvuku noma irula khona bantfwana batowubona kutsi ufundzani bese balumbanisa umsindvo netimpawu ekhasini. Loku kutabasita futsi kutsi babone inkambiso yekufundza kusuka ngesancele kuye ngesekudla ubuye usuke etulu uye phansi.
- Loku kusebentise njengelituba lekwetfula ‘inkhulumo yakancwadzi’ njengaloku: emagama, umusho, likhasi, umbhalo sihloko, njll.
- Lawula bafundzi batibandzakanye endzabeni ngekungenela kumphindza (sib. “Gijima, gijima, gijima ushiye sitfunti, angek’ ungibambe – Ngiyindvodza mcatsane!”).
- Indzaba ngayinye kufute ifundvwe kibili katsatfu kuniketa bafundzi litfuba kwenta imphindza yemagama latsite, kwenta siliganiso semsebenti noma kukuye bateke tincenye letitsite tendzaba ngemagama abo.

Umkhakha wesibili wekufundza ngekwabelana

- Kulomkhakha wesibili kusetjwentswa wona lowo mbhalo kodvwa-ke nyalo kunakisiswa kakhudlwana kutibsdzakanya ekufundzeni abe thishela asebentisa tinkhulumiswano letichubekako kucija kucondzisa emagama, kuciphiya emakhono nekwakheka kwembhalo (luhlelo, timphawu tenkhulumo njll).
- Kuphuma kuwe-ke, thishela, kuheha bafundzi kutsi banakisise incenye yalesifundvo letsintsana nalokunye kwaloku lokulandzelako: imicondonjulo yekubhaleka, timphawu tembahalo, imisindvo, kuhleleka kwelulwimi, emasu ekubona nekucondzisa emagama etibabeni letehlkene (lesilula-nje, kuphindze ahleembise, kufananisa tintfo letihlobene, kubuyeketa nekuvisisa imibuto).

Umkhakha wesitsatfu wekufundza ngekwabelana

- Kulomkhakha wesitsatfu wekufundza ngekwabelana, bantfwana batifundzele umbhalo ngekwabo baphindze batibandzakanye emsebentini wetemlomo, kunyakata kanye nalokubhaliwe lokususelwa embhalweni.
- Nakukhonakala, umbhalo weKufundza ngeKwabelana kufute wemuketelane neKubhala ngeKwabelana lapho khona thishela abonisa kutsi umbhalo ubhalwa njani bese-ke bantfwana batibandzakanya emsebentini wekucanjwa kwembhalo thishela asatsatsa indzima yekuba ngumgcugcuteli nalobhala. Lesiboniso senkhambiso yekubhala iyabasita bantfwana balungisele imisebenti yabo yekubhala.

1

Simanga sempelasontfo



“Make, sheshisa! Gogo ungilindzile.”

Lena yimphelasontfo yami
yekuvakashela boGogo naMkhulu
wami epulazini labo. Mine nemngani
wami lomkhulu Dani besicoca
ngemphelasontfo yetfu njalo nje
nasitfola sikhatsi.

Thisela wetfu, Nkhst. Smith,
bekasibambe siniketana emapheshana
emilayeto ngemphelasontfo yetfu.

Kodvwa-ke sasijabule kakhulu,
akusihluphangangako kubanjwa
ngalendlela.




Sasilit sandza lipulazi. Bekunemadada
emahansi, tinhukhu, timbongolo,
tinja, tingobiyane kanye
netibhutatana letintsatfu.

Letimbuti tivalelwa esibayeni
sato edvute netimbongolo.

Tinemajazi emafukufuku, emadlebe
emahwandza, emehlo timbokojwana,
netimphonjwana leticijile emkhatsini
wemabunti ato.

Njalo ngeMgcibelo, boGogo
naMkhulu beba faka emagamubhudzi
abo nema-ovaloli bahambe
bayowuhlobisa esibayeni setimbuti.

Ase nibuke sibaya sato! Singcole!



Sisangena ngemoto epulazini, ngeva sengatsi kukhona lokungahambi kahle. BoGogo naMkhulu bebangekho egedeni kusemukela.

"Make, buka! Kukhona lokonakele. BoGogo naMkhulu balele emkhatsini nesibaya lesingcolile." "Hhawu nebakitsi! Tippi timbuti?"

Baphi boMhloshana, Bhukula naMpunzana? Encenye tifohlile futsi!

"Wena naDani ase nibuke kutsi letimbuti tishonephi mine ngisasita boGogo naMkhulu! Asetsembe kutsi abakephuki ematsambo!"

Mgugu, imbuti lelunge kabi futsi
leyakhuliswa netinja, bekuyimbuti
lehlukile mbamba.



Bekangatati kutsi uyinja noma
uyimbuti, kumbe-ke umuntfu. Gogo
wami bekammunyise libhodlela lelubisi
ebuncaneni. Asemncane bekavamise
kweba timvutfu tekudla futsi alale
kubosofa! Mgugu yena bekaahlakaniphe
kabi, avamise kuphakamisa lishudo
lekukhiya egedeni bese uyabaleka,
timlandzele kanjalo letinye timbuti.



Bhukula, imbuti lemnyama tsu, yena
watfolwa alahliwe kantsi Mpunzana,
imbuti lendzala kuto tonkhe bekahlala
atfukutsele. Umkhandze agcuzula
bantfu ngetimphondvo. Impela
ngiyafisa kutsi akusiko lokwehlele
boGogo naMkhulu nje loku!






Sagijima masinyane sewukela emasimini. Tonkhe timbuti betitfwacuta etivandzini, lebetisandza kusikwa tjani tidla tjani lobusikiwe tincutsa nemanyeva ngekucophelela.

Ngafisa kungatsi ngingatiyekela khona lapho kodvwa bekute fenisi wekutibiyela, kantsi timbuti betitsandza kabi timbali teMnu. naMake Mantatha.

Satibita sihebeta. "Mgugu, Mpunzana, Bhukula, wotani la." Mpunzana wacijisa emadlebe akhe wacala waphandza umhlabatsi.



Ngamshiya ngaya kuBhukula.
Ngahebeta endlebeni yakhe wavele
wahamba eceleni kwami ngekuthula.
Bhukula walandzela Dani satihola
timbuti satibuyisela esibayeni sato.

BoGogo naMkhulu bese bangekho
lapho. Make wacinisekisa kutsi
abimalanga ngako-ke bebahleti
etitulweni tabo ngemuva kwendlu.

Sakhiya sibaya ngci sabe
sesiyowulandza Mpunzana. Sabopha
libhande lenja nentsambo lendze
entsanyeni yakhe samdvonsa solo
angafuni Mpunzana kodvwa wafika
esibayeni.



Bekunemicatsane lebhakwe ekhaya
nelikhofi lebekasentele kona Gogo.

“Siyabonga, Gogo,” Sobabili samemeta
ngenjabulo. Imicatsane yakhe
besiyitsandza kakhulu kabi.

Gogo bekanetinja letisihlanu: Jemuka,
Jomba, Batsatse, Bhova naDida.

Tonkhe betiletfwe epulazini ngesikhatsi
banikati bato baya emaholideyini,
ngandlela tsite tagcina tihleti lapho
lomphelo.

Jemuka bekasho ngemilente
lemidze wena lowabona inkhosatana
yesigwili, embetse lijazi lelibubendze
lelimanyatelako, abuka ngemehlo
lamakhulukati ashelela kungatsi uyetela.



Bhova bekangumngani lomkhulu
nelihansi. Satsi sibita, Bhova kutsi
alandze litsambo lakhe Lomahansi
wangajabuli nani-nani kutsi yena
akanikwa lutfo nje naloluncane.

Sobabili sagijimela ngekhatsi endlini
salandza sinkhwana saLomahansi.

Jomba yena bekuyinja yaGogo. Solo
kwatsi nhlo, uhlala naGogo.

Bekamkhontile Gogo, umkhandze
ateyamisa kuye njalo nje.

Dida naBatsatse bekutinja letincane
ngemtimba lebetitsandza kuba
ndzawonye. Betenta sicinisekiso

kutsi tinkhukhu tiphephile njalo
nakunetimphungushe emagcekeni
elipulazi.



BoGogo naMkhulu bebanelidamu
lelikhulu epulazini labo. Mine naDani
besikutsandza kubhukusha edamini.

Ngakusasa ekuseni, tinja letisihlalu,
mine naDani sacudzelana ngelitubane
sicondze edamini siyowubhukusha.

Jemuka, kakhulukati, bekakutsandza
kubhukusha. Langa limbe, ngibanjwe
yinsindze matima emlenteni,
wangibamba umkhono ngesineke
wangidvonsela ngaphandle eceleni
kwelidamu. SinaDani besitivela
siphephe kabi nakunaJemuka.



Bese kusikhatsi sekudla lidina. Endleleni nasibuyela ekhaya epulazini seva kukhala lokubuhlungu kutsi “mme-e-e”.

Bekulizinyane lemvu lelisandza kutalwa libambeke ngci evungwini.

“Dani”, ngimemeta umngani wami,
“Bamba lamagala ucinise. Ngitakwetama
kukhulula lizinyane.”

“Mkhulu”, ngasho ngimemeta, “Mine
na Dani sisindzise lizinyane lemvu.”



"Nisebentile bafana bami. Siyabonga.
Cha kunyenti kabi lenitakucocela
bangani benu esikolweni kusasa."
Simanga setimanga! Maye
siyalitsandza lipulazi!

**Tigameko letimnandzi sihlala
sitikhumbula njalo.**





Wemukelekile kuloluchunge IwetiNcwadzi letiNkhulu. Loluchunge IweNcwadzi leNkhulu luginceny yeLuhlu lwakaRainbow, lolufaka ekhatsi tincwadzi tekusebentela, limfomfo, tindzaba tetigaba nemaphosita. Setsema kutsi, ekufundziseni kwakho utatitfola tilusito lolukhulu letinhlobonhlobo tetindzaba letikuletiNcwadzi letiNkhulu letisiphohlongo talesigaba, nebafundzi bakho setsema batakujabulela kufundza ngekwabelana kwabo.

Sitatimende Simiso sekharikhulamu neLuhlolo (CAPS), seSigaba Sisekelo siphakamisa kutsi Kufundza ngekwabelana kunguleny yetintfo letimcoka emaswini ekufundza. Kufundza ngekwabelana imvamisa kuba khona emkhatsini wemalanga lamibili kuya kumane ngeliviki lapho khona umntfwana ngamunye aba nembhalo munye wekufundza. Tincwadzi tekusebentela netindzaba tetigaba tiwlunglele lona mgomo.

Kodvwa-ke, kufundza ngekwabelana usebentisa iNcwadzi leNkhulu lenemagama lamakhulu yindlela lenhle kakhu yekwenta kufundza ngekwabelana ngoba bantfwana bayawabona emagama netitfombe, bakhone nekukulandzela usafundza ngendlela lefana naleyo yekuteka inganekwane ekhaya. Kumcoka-ke kutsi bantfwana bahlale bagege iNcwadzi leNkhulu, khona bonkhe bakhone kubona futsi bafundze umbhalo. Lemibhalo lemikhulu wetiNcwadzi letiNkhulu yenta kuhonakale kufundza uphimisele kuve bantfwana labanyentana ngasikhatsi sinye endzaweni lekhululekile lete umoya wekxesabisa.


TiNcwadzi letiNkhulu kuloluhlu titakwetfula bafundzi bakho eluchungeni lwe tindzaba, tinkondlo, tilandzelo nemidlalo tibuye tibetfulele Iwatiso nemibhalo leyimidvwebo.

Kungumsebenti wakho, njengathishela kwenta tindzaba tiphile kubantfwana ubuye wakhe simo lesinenjabulo nenhabunkhabu. Kusebentisa tiNcwadzi letiNkhulu kukusita kutsi ukhone kubonisa inkambiso yekufundza ngendlela leletsa injabulo kuwe kanye nakubafundzi bakho. Setsema-ke kutsi lencwadzi itakusita wente kona loko.

Lamanye emasu ekusebentisa iNcwadzi leNkhulu

- Sebentisa sicephu sepulastiki lelikhanya ngale njengendvwangu lembonya ngaphasi kweNcwadzi leNkhulu. Litawubuye lisite kutsi bantfwana nathishela bakhone kubhala kulo lelipulastiki.
- Bhala ngepheni lecimekako futsi lengagezeka kulelipulastiki.
- Sebentisa sichano lesikhulukati kufasela lesicephu lesikhanya ngale encwadzini lenkhulu.

ISBN 978-1-4315-2958-2



ISBN 978-1-4315-2958-2

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

Yakha yakakho insika yeNcwadzi leNkhulu

Utawudzinga:

- Likhadibhodi lelibanti ngekulingana neNcwadzi leNkhulu nayivulekile (594 mm) bese budze iphindzeke ka-3 encwadzini (1360 mm).
- Ithephu lecinile lenkhulu lemhosana
- Timbili tifasa-phepha noma emaphekisi kubamba ikhadibhodi ingaphakami.

Sebentisa lethephu lenkhulu kuhlanganisa tincenye tekhadibhodi.

Goba ikhadibhodi kwenta sibaya sa-A bese uchanela ndzawonye sisekelo nelingembili njengoba kukhonjisiwe kulomdvwebo ngentasi.

